

欽定大清會典事例

欽定大清會典事例卷九百七十九

理藩院

耕牧

耕種地畝

倉儲

牧地

耕種地畝。○順治七年定。外藩蒙古。每十五丁。給地廣一里。縱二十里。○乾隆十三年議。准民人所典蒙古地畝。應計所典年分。以次給還原主。土默特貝子旗下。有地千六百四十三頃三十畝。喀喇沁貝子旗下。有地四百頃八十畝。喀喇沁札薩克塔布囊旗下。有地四百三十一頃八十畝。其餘旗下。均無民典之地。以上地畝。皆

係蒙古之地。不可令民占耕。應令札薩克等查
明某人之地。典與某人。得銀若干。限定幾年。詳
造清冊。送該同知通判辦理。照從前歸化城土
默特蒙古撤回地畝之例。價在百兩以下。典種
五年以上者。令再種一年。撤回。如未滿五年者
仍令民耕種。俟屆五年再行撤回。二百兩以下
者。再令種三年。俟年滿撤回。均給還業主。○又
議准。民人在蒙古地方租種地畝。賃住房屋。務
令照原議數目納租交價。儻恃強挖欠。或經札
薩克行追。或經業主房主舉告。差往之司員及

同知通判等。即為承追。欠至三年者。即將所種之地所賃之房撤回。另行招租。○又議准。蒙古台吉官員喇嘛。皆稱殷實。惟屬下兵丁貧乏者多。此等殷實之人。每倚恃己力。將旗下公地。令民人開墾。有自數十頃至數百頃之多。占據取租者。是以無力蒙古。愈至困窮。嗣後。令於殷實之札薩克台吉官員公主郡主等陪嫁內。監及喇嘛等地內。酌撥三分之一。各與本旗窮苦蒙古耕種。仍量其家口多寡。分給地畝。並將撥出數目造冊報院。儻仍有開墾旗下公地。強占窮

入地畝者。從重治罪。○十四年。覆准喀喇沁土默特。教漢翁牛特等旗。除現存民人外。嗣後毋許再行容留民人多墾地畝。及將地畝典給民人。其如何委官巡查等事。由院間年一次簡選才能司官二人。自次年為始。將喀喇沁土默特等旗分為兩路。馳驛前往。會同該同知通判。並駐紮辦理蒙古民人事務之官巡查。該札薩克蒙古等。若再圖利容留民人開墾地畝。及將地畝典與民人者。照隱匿逃人例。罰俸一年。管旗章京副章京罰三九。佐領驍騎校皆革職。罰三

九領催什長等鞭一百。其容留居住開墾地畝典地之人亦鞭一百。罰三九。所罰牲畜賞給本旗效力之人。並將所墾所典之地撤出。給予本旗無地之窮苦蒙古。其開墾地畝及典地之民人交該地方官從重治罪。遞回原籍。該管同知通判交該部察議。其八旗游牧察哈爾種地居住民人亦交與稽查喀喇沁等處官員會同各該總管及同知通判等一併稽察。若有容留增墾地畝及典與民人等事。即將墾種典地之蒙古民人等交與該總管嚴行治罪。民人遞回原

籍其並不實力稽查之該管官亦一併交部議處。○三十七年定口內居住旗民人等不准出邊在蒙古地方開墾地畝違者照例治罪。○嘉慶四年定教漢旗順坡斯板囊金哈喇二處已開熟地三十七頃二十七畝均令撩荒作為牧廠將多爾畢他拉之荒地照已開地畝每畝加三分先行撥給兌換自嘉慶五年起勒限二年挪移其新換地畝仍照原立契紙年分扣清按數交租。○十二年議定教漢游牧地方如有將禁止不准耕種及應撩荒地畝私行耕種租佃

增墾至二百餘頃者。係民人。杖七十。徒一年半。
百餘頃者。杖六十。徒一年。俱先行枷號。二月。滿
日。遞解原籍。定地充徒。數頃至四十餘頃者。杖
一百。枷號二月。遞解原籍。嚴加管束。不行納租
者。笞四十。如故違例。漁利。將公中牧廠及撩荒
地畝。私行租佃者。台吉革職。十年無過。准其開
復。如隱報民人已開荒地畝。並將例禁之荒廠
私自租給民人開墾者。係台吉革職。五年無過。
准其開復。係驍騎校。披甲。褫革。喇嘛。剃黃。及平
人。俱枷號二月。鞭一百。遇赦。不准減免。其地畝

無論人犯曾否緝獲。事出即將糧草刈穫。分給該旗蒙古。逃犯嚴緝治罪。得過銀錢。追出充公用。每年五月內。該札薩克巡查一次。該盟長等三年清查一次。如有遺漏不報者。呈報理藩院。將該札薩克協理台吉等嚴加議處。十六年議定。昌圖額爾克地方所開地畝。每年徵收租息。賞給該郡王一半。其餘一半。照郭爾羅斯種地之例。合計該旗台吉官員兵丁戶口數目。均勻賞給。該札薩克及該通判各出具。並無侵蝕。甘結報院查覈。其已開四至之外。不准多開一

畝增居一民。責成該將軍盟長一體遵辦。○又議定教漢開地之民換給札薩克印票。該司員及州縣官出示曉諭。將地畝四至數目。民人姓名籍貫。填寫明晰。理事司員地方官一體記檔。互相稽查。有抗拒不換印票者。將地撤出。交還蒙古。將民人遞解原籍。如逗遛潛居。責成該地方官不時稽查。嚴拏治罪。蒙古等重複租佃。及民人包攬轉租。潛行隱避。俱令均勻分種。照原定押地銀兩租息數目。該司員會同地方官查明換給印票。其隱避之民拏獲時。該地方官將

原得銀兩錢文。照數追出。交該旗存公。於每年分租時。一體均勻分放。將該民人遞解原籍。如無力交納者。加重治罪。換齊後。地方官造具清冊。呈送都統查覈。由該都統咨院備查。其餘各旗所開地畝數目。民人姓名。均照此一體辦理。如蒙古隱匿不報。民人私行耕種者。照私租私墾之例。嚴行治罪。其私自借貸帳目。聽其自行清理。不必官為究辦。民人拖欠租息。量其多寡。分限於每年交租時。一同交納。蒙古等長支租息者。於票內註明。作為押地之項。民人抗不交。

租者將地撤出交還蒙古另行租佃。交地方官嚴行治罪。遞回原籍。該都統嚴飭該理事司員州縣官每年查旗之便會同札薩克稽查。出具印結呈送該都統查覈加結報院。所有添墾地畝照數增租。將所墾地畝四至建立鄂博。不得多開一隴。多招一民。如有水衝沙壓不堪耕種者報明理事司員地方官查勘屬實。將原租裁汰。地畝交還蒙古。每年令該札薩克將租息收齊會同該理事司員地方官齊集蒙古等公同放給。仍令該理事司員地方官嚴查有無侵蝕。

入己等弊。具結呈送都統查覈。加結報院。蒙古等儻有圖利尋隙。勒捐撤地驅逐者。准民人呈明該理事司員呈報都統辦理。報院查覈。民人推故欠租霸占者。該札薩克呈報地方官。將地撤出。交蒙古耕種。仍將民人嚴懲。遞解原籍。如應遞解之民。任意潛藏。或復行逃回者。責成地方官隨時嚴查重懲。至蒙古如有空閒荒地。情願開墾者。呈報都統查勘辦理。該旗博爾克之地。仍給該王為業。聽其自行辦理。○十七年定。科爾沁左翼後旗札薩克郡王旗昌圖額爾克。

地方。西自遼河起。東至蘇巴爾漢河止。一百二十里。北自太平山起。南至柳條邊止。五十二里。西至柳條邊十六里。東至柳條邊二十里。隄其招民開墾。○二十二年定。教漢郡王旗。來自庫蘇爾哈達起。西至庫倫佈哈邨之東。薩察華山頂止。南自紹海卓博哩察罕蘇巴爾漢熟地界起。北至松吉納圖山騰吉里克山頂止。種地千七百八十頃十四畝。起立鄂博。給該王招民耕種。○道光元年奏准。改撥庫爾勒各愛曼隙地五百餘畝。布古爾各愛曼隙地六百餘畝。按年

輪派回子就近代種。所收糧石。均勻分給喀喇沙爾六軍臺當差回戶。其開都河北及烏沙克他爾二處地畝。即停止耕種。庫車所轄喀喇布拉克軍臺。派撥布古爾回子當差。地處戈壁。再撥布古爾各愛曼隙地二百畝。一體開墾。糧石分給該臺回子。以資調濟。十二年議准查勘科爾沁旗墾荒地界章程。大量荒地仍以三十六弓為一畝。一原交押荒銀兩。每頃不及十兩者。照數補足。有不止十兩者。在每年應交大租內坐扣。以一地重複出寫者。令後寫之戶。

與先寫之戶。均勻分種。一蒙古邨屯酌量牧放
種植界內。有典給民人者。追出典契。換租種合
同。扣足典價。按則輸租。其情願贖回者。照土默
特民典蒙古地畝例辦理。一典出地畝。無力回
贖。照例令民人再種五年。四年三年二年抵銷
典價。年滿日止。准蒙古自種。或租給原佃。不得
再行出典。及另招流民。一民戶年滿交地後。准
其自躡界內閒荒。向地局領種。一蒙古自種熟
地。不得租給民人。界外民開熟地。嚴行封禁。如
有假自種為名。影射私招民人者。重治其罪。一

嚴禁攬頭名。寫地者令報本名。自向地主交租。以五頃為限。概不挂多給。○十四年奏定。巴爾楚克之毛拉巴什賽克三一帶荒地。開墾二萬四千餘畝。酌定科則。同喀什噶爾屯田。均自道光十四年啟徵。並造具新招屯民年歲籍貫。認種地畝總數清冊。咨部備查。○又

諭喀什噶爾屯田地畝。係以入官叛產。易換回田。與開荒者有閒。現雖依界耕種。並未侵占回田。恐久後不無軫葛。自應乘興辦之。始早為裁撤。所有該處屯民著自明歲麥收後。陸續遣散。其實在無力貧民。酌給

口糧遣至巴爾楚克交委員撥給地畝妥為安置俟

屯民撤竣再將喀拉赫依屯田給還原莊之回子認

種其原換叛產地畝即交阿奇木伯克光緒十三年歲次作

霍爾敦撥給無業回戶耕種照例納租○十九年定

喀喇沁土默特旗種地民人不得以所種地畝

折算蒙古賒貸銀錢違者治罪蒙古地畝不得

典給種地民人其定例以前已經出典之地如

蒙古備價回贖立即交出如一時無力回贖該

民人典種已過三年者再種四年過五年者再

種三年過十年者再種二年抵銷地價地歸蒙

古○入定喀喇沁土默特旗種地民人不得重
價轉典蒙古地畝違者追價交旗充公地歸蒙
古民人遞回原籍其定例以前已經轉典之地
不計種過年分再種五年抵銷地價地歸蒙古
○入定民人租種蒙古地畝如欲回籍或不願
耕種即將所欠之租所賃之房與押契錢文對
抵地歸本主

倉儲○乾隆三十七年議定哲里木盟十旗科
爾沁達爾漢親王旗額存穀萬八千四百六十
五石科爾沁圖什業圖親王旗額存穀萬二千

四百八石四斗。科爾沁賓圖郡王旗額存穀二

千三百六石二斗。科爾沁郡王旗額存穀萬八

千三百七十二石七斗。科爾沁札薩克圖郡王

旗額存穀三千八百四石四斗。札賚特貝勒

現係

郡王旗額存穀萬七百八十六石五斗。杜爾伯特

貝子旗額存穀萬三千九十五石四斗。科爾沁

鎮國公旗額存穀千四石三斗。郭爾羅斯鎮國

公

現係一等台吉

旗額存穀萬八千一百八十八石九

斗。郭爾羅斯輔國公旗額存穀九千一百七十

一石。卓索圖盟五旗喀喇沁都楞郡王旗額存

穀四萬四千八百二十一石四斗。土默特達爾

漢貝勒旗額存穀六萬三千九百十二石三斗。

土默特貝子旗額存穀七萬四千五百十六石

六斗。喀喇沁輔國公

現係一等塔布囊

旗額存穀二萬

二千二百二十九石二斗。喀喇沁一等塔布囊

旗額存穀四萬九千六百五十七石三斗。昭烏

達盟十一旗。巴林郡王旗額存穀四千四百四

十三石六斗。翁牛特都楞郡王旗額存穀萬三

百八十五石八斗。敖漢郡王旗額存穀二萬一

千三百四十四石二斗。奈曼達爾漢郡王旗額

存穀萬八千三百七十石一斗。翁牛特岱青貝勒旗額存穀萬九千七百十九石六斗。札魯特貝勒旗額存穀萬一百五十三石。札魯特達爾漢貝勒旗額存穀九千三百三十五石六斗。阿魯科爾沁貝勒旗額存穀萬七千五百四十二石一斗。喀爾喀貝勒旗額存穀三百七十四石八斗。巴林貝子旗額存穀二千八百十五石七斗。克什克騰一等台吉旗額存穀千三十六石七斗。各旗倉存穀石。每歲終該札薩克聲明倉儲數目。及有無徵變之處。分析報院查覈。又

定。各旗如遇偏災。歉收之年。該札薩克查驗情
形。將倉存穀石。酌量出陳易新。借給衆人。立限
完繳入倉。聲明報院。俟覆准到日。再行遵辦。不
得先支後報。○又定。各旗偶遇災年。本旗倉存
之穀。如不敷用。准其暫由鄰旗借用。依限完繳
入倉。報院查覈。○又定。各旗借出之倉穀。遵照
院定限期。完繳入倉。按限報院查覈。其借用鄰
旗者。依限完繳。不得推故展限。其本旗出借者。
如至限無力償還。聲明報院。酌量展限。仍依限
完繳入倉。報院查覈。○四十九年定。凡蒙古部

落建立倉廩。係令該王等養贍本旗貧乏無業者而設。不得繕寫官倉字樣。均改書本處公倉。
○道光二年

諭土默特札薩克固山貝子旗。應還倉穀。可否寬免。據情代奏一摺。此項所欠倉穀三萬四千三百二十九石一斗。原係蒙衆自行積蓄。備荒賑濟。今逢恩詔。著加恩寬免。

牧地。○原定。外藩蒙古越境游牧者。王罰馬十匹。札薩克貝勒貝子公七匹。台吉五匹。庶人罰牛一頭。○又定。越自己所分地界肆行游牧者。

王罰馬百匹。札薩克貝勒貝子公七十匹。台吉五十匹。庶人犯者。本身及家產皆罰取。賞給見證人。○康熙元年題准。各部蒙古不得越旗畋獵。○十九年題准。蒙古札薩克王貝勒貝子公台吉等。有因本旗地方無草。欲移住相近旗分及卡倫內者。於七月內來請。由院委官踏勘。勘實准行。若所居地方生草茂盛。甚於所請之處者。將妄請之札薩克議處。至他月來請者。概不准。○四十七年覆准。鄂爾多斯貝勒所屬蒙古人等游牧地方。嗣後於黃河西河之間。柳延河

之西。所有柳塾。剛柳塾。房塾。西塾。均以西臺為界。自西臺之外。插漢柁輝處。暫許蒙古游牧。至甯夏平羅營一帶地方。人民原於插漢柁輝採取柴薪。令限一月內採取五次。其採取時給予號牌。令人監管。來往之人。並令該地方官嚴察。○五十一年議准。插漢柁輝地方。前於四十七年。暫給蒙古游牧。今居民不便耕耨。若久雜處。必至爭訟。嗣後以黃河為界。永禁游牧。○雍正五年。議准。越自己所分疆界。肆行游牧者。王貝勒。貝子。公。台吉等。無論管旗不管旗。皆罰俸一

年無俸之台吉及庶人犯者。仍照例罰取牲畜。
○道光十九年定。各旗封禁牧廠。各於界址處
立封堆。造具印冊存案。該札薩克每歲親查
一次。加結報院。如有私開侵占者。照例治罪。
○二十五年議准。大青山後沙拉穆楞召內聚寶
莊等二十三邨。及諾們罕召內五道窪等九邨。
無礙牧廠。應准開放。沙拉穆楞召內蘇托羅蓋
等十八邨。諾們罕召內巴漢沁等四邨。有礙牧
廠。即行封禁。○三十年奏定。蘇魯克地方牧廠。
歸入察哈爾正黃旗游牧。其丁戶歸該旗總管。

等管轄。仍令在牧廠棲止。○同治八年奏定大
凌河西牧廠以老河身為界。前旗人胡拉布等
呈請領墾三河套舊河底地二千八百餘畝。日
久恐侵廠地。應行封禁。自舊河底以西不准再
行領墾。

[illegible]

欽定大清會典事例卷九百八十

理藩院

賦稅

王公等額徵所屬稅物
稅銀
西藏租賦
西成錢制
歸化城等處

王公等額徵所屬稅物。○順治初年定。蒙古王公台吉等每年徵收所屬有五牛以上及有羊二十者。並收取一羊。有羊四十者。取二羊。雖有餘畜。不得增取。有二羊者。取米六鍋。有一羊者。取米一鍋。其進貢會盟游牧嫁娶等事。視所屬至百戶以上者。於什長處取一牛一馬之車。有三乳牛以上者。取乳油一腔。有五乳牛以上者。

取乳酒一瓶有百羊以上者。增取氈一條。濫徵者罪之。

歸化城等處稅銀。○雍正六年議准。歸化城徵收貿易馬畜稅銀。自康熙五十四年。經議政大臣議覆。令歸化三站每季買馬十五匹。備用軍需。俟告竣之時。將用過稅銀覈實報銷。計自康熙五十五年至雍正二年。共買過馬三百有七匹。共用過銀二千二百七十八兩有奇。合算相符。准予題銷。再此項徵收稅銀。自康熙四十二年始有案可稽。自四十二年至雍正五年。共收

過銀二萬二百五十四兩有奇。除買馬用過銀二千二百七十四兩外。應存銀一萬七千九百七十五兩四錢有奇。前因修理倉廩廟宇教場橋梁渡船。買給站丁蒙古帳房。應付額魯特等廩給羊隻。並製辦駝屨麻繩紙張等項用去。除照冊覈銷外。嗣後每年所收稅銀買用物件。合時價製辦。不得浮冒。仍照前將一年所收若干用過若干之處。造具四柱清冊報院。○乾隆十七年奏准。八溝東西二街稅銀。於乾隆十四年奏准交地方官徵收。東街所徵各項稅銀。每年

賞給喀喇沁札薩克王等。養贍窮乏蒙古。今該札薩克呈報東西二街租銀。該地方官徵收多寡不一。請將賞給東街稅銀。仍照舊例交該旗自行徵收。其事難行。惟是各處收稅。均設專官經理。今八溝初定收稅章程。交地方官永遠辦理。二街稅銀。難免參差。蒙古人心。亦不能遵服。應將地方官徵收之處。停止。於本院司官內。簡選幹員。擬定正陪引。

見。前往徵稅。所收稅銀。於十分內。賞給該旗二三。分。以為養贍蒙古之用。○又奏准八溝東西二街。

稅銀令本院司員前往徵收。一年更代。照駐紮三座塔辦事之例。每年廩給銀三百六十兩。並令該督於八溝地方設立衙署。召募胥隸。以供差遣。仍照例鑄給管理八溝等處稅務關防。○又議定八溝定額。每年徵稅銀一萬一千五百十二兩六錢。連歷任贏餘銀覈銷。除書役人等工食。熱河普甯等八寺香燈傾鎔解費銀兩外。餘贖銀兩內。賞給喀喇沁札薩克王十分之二。喀喇沁札薩克公十分之一。其餘銀兩解交戶部。龍鬚門額徵銀一百十七兩零六分九釐。小

子溝額徵銀一百七十五兩八錢二分四釐。此二處係莊頭之地。所徵正額及贏餘銀兩。內開除書役人等工食傾鎔解費外。餘銀解交戶部。○十八年奏准。塔子溝一帶地方。耕種貿易。聚集民人甚多。塔子溝稅務。嗣後令八溝收稅司官兼理。一例徵收。再揀選筆帖式一人。前往塔子溝駐紮。協辦稅務。其收稅司官。原議每日廩給銀一兩。實不敷用。今酌定司官日給銀二兩。筆帖式日給銀一兩。均一年更代。至塔子溝每年所收稅銀。如何分賞該札薩克。俟報到之日。

再行具奏請

旨。二十一年覆准烏蘭哈達三座塔司官照八溝之例兼司推稅事務。又定塔子溝每年額徵稅銀五千九百八十二兩零八分五釐四毫大城子額徵銀二百三十五兩一錢七分七釐連歷任贏餘覈銷開除書役工食及熱河札什倫布廟香鎰傾鎔解費銀兩公岔曼額徵銀二百八十一兩七錢四分。三道河額徵銀一百二十兩零五錢。此二處不支書役人等工食開除傾鎔解費銀兩外。餘賸銀兩並歷任贏餘銀兩內。

賞給喀喇沁札薩克塔布囊十分之二分半。由該員支給。餘銀解交戶部。烏蘭哈達額徵銀一千八百三十七兩九錢八分一釐八毫。連歷任贏餘銀覈銷。開除書役人等工食傾鎔解費銀兩外。餘騰銀兩內。賞給翁牛特札薩克王十分之三。由該員支給。餘銀解交戶部。三座塔額徵銀一千四百四十七兩零四分五釐。木頭城子額徵銀三百七十四兩三錢三分。甘家子額徵銀一百七十兩零三錢五分。連歷任贏餘銀覈銷。開除書役人等工食傾鎔解費銀兩外。餘騰

銀兩內賞給土默特札薩克貝子十分之三。由該員支給。餘銀解交戶部以上徵稅。除各該處支銷各項。不得開除。傾鎔解費外。其實解交戶部及賞給該札薩克銀兩內。每百兩准銷傾鎔解費銀五兩。○二十六年題准。歸化城稅務。改歸殺虎口監督兼管。○又議准。歸化城為蒙古商民輻輳之處。所有煙油酒三項及皮張雜貨等物。皆歸入落地稅內。照例徵收。其駝馬牛羊。除進口外。若繞道趕往他省售賣者。亦一例徵稅。以防偷漏。至於鐵器不許出口。原指軍器及

可以置造軍器之鐵而言。若種地農具及平常日用器皿給票驗放。毋許守口官弁刀難勒索。亦俱照例收稅。再四項牲畜到歸化城。每價銀一兩徵制錢八文。向係土默特蒙古徵收。作為公費。今既歸入正額。仍令土默特等照每年應用之數具領關支。該監督於任滿時一併造冊報覈。○三十四年覆准。歸化城關稅令山西巡撫兼轄。揀派道府一員專司其事。仍以一年期滿更換。停止理藩院委派司員管轄之例。○四十三年奏准。八溝烏蘭哈達三座塔三處部員

廩給停止給予。○嘉慶二十二年定。翁棍嶺北荒地。歸化城城根等處房屋鋪面。及馬甲固魯格之妻呈進之鋪面房。每年徵租銀五百七十餘兩。○又定。徵歸化城地方當舖稅銀。大當每年十二兩。小當每年六兩。○又定。歸化城駝價銀一萬兩。由歸綏道發當商生息。其息銀交副都統衙門備辦公務。○又定。歸化城土默特煤窯二十二座。每年徵錢千餘串不等。○又定。歸化城開墾牧廠地畝一千六百四頃五十一畝四分五釐。每年徵租銀二千八百四十七兩六

釐。○又定土默特租給民人地一百九十三頃四十二畝。每年徵租銀三百兩零。○又定翁棍嶺北色爾騰等處民人私開地畝及拉麻札布等名下八官地二十二具。每年徵租銀八十兩。○道光十九年定歸化城商民攜帶茶布由蒙古地方換來馬匹牲畜仍照舊例納稅。若將換來馬匹牲畜復與兌換貨物及買賣者亦俱一體納稅。

西藏租賦。○乾隆五十七年

諭前後藏所出租賦向歸達賴喇嘛班禪收用。又衆蒙

古平素崇信佛教樂施喜捨是以布達拉札什倫布
兩處商上蓄積饒裕駐藏大臣向不過問其商卓特
巴噶布倫等任意侵漁嗣後商上收支一切應令駐
藏大臣綜覈凡換班官兵交駐藏大臣官用已用皆
不得於商上稍有侵挪其兩處商上出息除養贍喇
嘛番衆外或有贏餘不妨為唐古特兵丁添補養贍
之用○又

諭布達拉札什倫布兩處商上租賦歸駐藏大臣經管
達賴喇嘛班禪額爾德尼平素自奉以及例需應用
各項俱聽其自便駐藏大臣毋得過於嚴切不過代

其稽查出納。不至如從前為達賴喇嘛班禪額爾德尼親族暨噶布倫商卓特巴等藉端侵漁。至達賴喇嘛班禪額爾德尼自用以及公用各項。仍照舊聽其自行支用。不可管束太過。以示體恤。○又奏准達賴喇嘛所屬前藏地方。較為寬廣。每年番民交納。係各以糧石。或氈毯藏香棉鹽酥油奶渣羊腔茶葉等項。作為租賦。其遠處寨落難以運送者。各以銀錢折交。惟番民家有牛羣羊羣者。係每牛二頭。每年交銀錢一圓。每羊十隻亦每年交銀錢一圓。其隨時布施物件銀兩。並無定數。除

交各項本色物件外。約計每年所入銀兩。共十二萬七千有零。凡有交來物件銀兩銀錢。俱係收存大昭庫內。有商卓特巴三名管理。其繕造藏香及稅課罰贖等項。各處布施之物。並番民故後例交一半服飾物件。俱交商上庫內。另有商卓特巴二名管理。所有達賴喇嘛公用日用等項。悉皆取給於此。計算用項。每年正月內。布達拉與各處大寺廟大小衆喇嘛。及前後藏各處喇嘛數萬人。會集大昭念經二十日。謂之默朗穆勒布。二月內復集大昭念經八日。謂之錯

曲勒布。藏內俗語統名為攢昭。按喇嘛名數賞給銀錢。哈達。支給酥油茶葉糌粑。需銀七萬九百餘兩。又每日念經需用酥油茶葉及各項賞資。共需銀三萬九千二百餘兩。又每年採買布達拉衆喇嘛食用及各種物料。並酬答布施物件。共需銀二萬四千四百餘兩。所入尚不敷所出。又色拉等大寺喇嘛均須養贍。若青稞豐收之年。並布施較多年分。始有贏餘。商上又有小庫一處。另派商卓特巴一名管理。每年出入。如有餘賸物件銀兩。歸入小庫存儲。如遇不敷支

用之年。即將小庫銀物使用。一切用度。商卓特
巴總司出納。駐藏大臣向不過問。達賴喇嘛親
族及商卓特巴。侵漁舞弊。在所不免。現在噶布
倫商卓特巴等缺。議歸駐藏大臣會同達賴喇
嘛秉公揀選。不許達賴喇嘛親族管事。所有商
上一切公用。令駐藏大臣總覈實可杜絕弊源。
查濟隆呼圖克圖居住布達拉。耳目更近。一切
弊竇。無難就近確查。嗣後交駐藏大臣與濟隆
呼圖克圖隨時稽覈出納。如有侵漁舞弊之人。
濟隆呼圖克圖即告知駐藏大臣查辦治罪。至

札什倫布所管番民較前藏為少。所交商上糧賦多係交納物件。統計折色本色。約合銀六萬六千九百餘兩。而每年所用。約需銀七萬四千六百餘兩。從前各處布施較多。每年總有贏餘。近年布施較少。又經廓爾喀搶掠。數計每年出入連布施計算。僅敷用度。班禪額爾德尼年在幼齡。恐為左右蒙蔽。亦交駐藏大臣及濟隆呼圖克圖實力稽覈。以歸畫一。所有達賴喇嘛班禪額爾德尼平素自奉及例應需用各項。照舊聽其自便。

西藏錢制。○乾隆五十六年奏。廓爾喀新鑄銀錢。因唐古特未照定議行用。以致構怨滋事。奉旨。廓爾喀以所鑄錢文。向衛藏行使。原為貪圖利息起見。後又欲將舊錢停止。專用新錢。每銀一兩。止肯易錢六箇。固屬貪得無厭。而噶布倫番衆人等。與彼交易。亦不免圖占便宜。彼此惟利是圖。各不相下。以致復滋事端。但衛藏地方。行使廓爾喀錢文。總由唐古特人等。向與廓爾喀交易買賣。是以不得不從其便。今該賊匪反覆無常。肆行搶掠。著將在藏貿易之巴勒布。概行逐去。不准再通貿易。廓爾喀所鑄錢文。衛

藏竟可無須行用。我國家中外一統同軌同文。官鑄制錢通行無滯。區區藏地何必轉用外番幣貨。況伊將所鑄之錢易回銀兩。又復攬銅鑄錢。向藏內交易。源源換給。是衛藏銀兩轉被廓爾喀逐漸易換。尤屬不成事體。若於內地鑄錢運往。程站遙遠。口外又多夾壩。運送維難。莫若於西藏地方。照內地之例。安設鑪座。派撥官匠。即在彼鼓鑄。駐藏大臣督同員役監制經理。自可不慮缺乏。所有廓爾喀貿易人等。嗣後不准復來交易。永斷葛藤。特於藏內鼓鑄官錢。令其行用。伊等舊存廓爾喀錢文。概行銷作銀兩。一律使

用官錢。伊等當感激愛護深恩。敬謹遵行。即可永資樂利。○又

諭。成德奏請暫鑄銀錢以資兵丁換易行使。已據成德諭令商上暫為鑄造。此係為目前兵丁需用起見。亦止可如此辦理。其將來在藏安設鑪座官鑄錢文之處。統俟事竣後歸入善後事宜內辦理。○五十七年諭。藏內行使錢文。著設鑪改鑄寶藏字樣。所有巴勒布銀錢。嗣後不許再行使用。○又奏衛藏久隸版圖。原應通行

國寶。惟素不產銅。若設鑪鼓鑄。必須運自滇省。自

滇至藏計算採辦銅價並柴炭人工腳價較內地加至數十倍。又藏地番民習使雜銀驟難更易。故內地銅錢止行至打箭爐而止。從前商上並不鑄造銀錢。專賴廓爾喀運米易換。因廓爾喀新錢成色較高。欲以一圓當作兩圓行使。始據奏明由商上暫鑄銀錢。番民稱便。惟所鑄銀錢成色過於低潮。恐日久弊生。難於稽察。嗣後商上鑄造銀錢。純用紋銀成造。不得絲毫攙銅。每圓重一錢五分。紋銀一兩止換銀錢六圓。以多出一錢作為鑄錢工本。並另鑄重一錢之銀。

錢每銀一兩換九圓。重五分之銀錢。每銀一兩換十八圓。成色既無高下之殊。鼓鑄亦免賠貼之累。可期永遠通行。其所有巴勒布舊錢。與商上舊鑄錢文。酌令每紋銀一兩易換八圓。以示區別。至商上新鑄錢文。交駐藏大臣派員督同噶布倫等監造。錢上正面輪廓內用唐古特字模。鑄乾隆通寶字樣。背面用唐古特字模。鑄寶藏字樣。並於正面中間逐年鑄出造錢年分。如有攙銅情弊。即按年查出。將監造之員及該管之噶布倫。鑄錢之仔琿濟仲。並匠役等一體從

嚴究問罰賠治罪等因奉

旨。所奏藏內鼓鑄銀錢章程亦止可如此辦理。藏內既不產銅。所需鼓鑄錢文銅斤。仍須向滇省採買。自滇至藏。一路崇山峻嶺。購運維難。自不若仍鑄銀錢。較為省便。但聞所進錢模。正面鑄乾隆通寶四字。背面鑄寶藏二字。俱用唐古特字模印。並無漢字。於同文規制尚為未協。所鑄銀錢。正面用漢字鑄乾隆寶藏四字。背面用唐古特字亦鑄乾隆寶藏四字。以昭同文而符體制。另行模繪錢式發去遵辦。○五十八年奏准藏內兌換銀錢。每銀一兩換一錢重新錢。

九圓五分重新錢十八圓。番民稱便。惟一錢五分重新錢。實形停積。嗣後毋庸再鑄。一錢五分銀錢。庶商上成本有盈無虧。源源接濟。永遠通行。○又奏准。嗣後商上收納銀錢數目。及採買各物。俱照所定兌換銀錢之數。按照新鑄舊鑄。分別折收辦理。庶貨幣流通。可期經久無弊。仍令駐藏大臣隨時稽察。商上公平收放。不得稍有浮冒。

[illegible]

欽定大清會典事例卷九百八十一

理藩院

兵制

簡開

戎防

軍律

軍功

馬匹器

西藏兵制

簡開○內札薩克各旗每三丁披甲一副。每佐領披甲五十人。每年由盟長閱看。其外札薩克喀爾喀四部之兵。統於定邊左副將軍。杜爾伯特。新土爾扈特和碩特之兵。統於科布多參贊大臣。舊土爾扈特和碩特之兵。統於伊犁將軍。青海各部之兵。統於西甯辦事大臣。遇應用時。各由該處將軍大臣奏調。惟西套額魯特。額濟

納土爾扈特。不統以將軍大臣。徵調如內札薩克。每歲察驗軍容器械。喀爾喀四部。由副將軍參贊察驗。杜爾伯特兩翼。由副將軍察驗。不設副將軍者。責成盟長。無盟長者。責成本旗札薩克察驗。○康熙十三年定。每年春季。札薩克王貝勒貝子公台吉等。各將旗下台吉兵丁。會集一處。令修理器械。聽盟長驗看操演。○乾隆元年。議奏內札薩克六會防秋兵丁。各備牧馬。於每年六月。該盟長札薩克等。齊備軍器兵馬。於七月初旬。由

京師差遣大臣司官前往察閱。將六會分為二班。錫林郭勒烏蘭察布。伊克昭。三會為一班。哲里木。昭烏達。卓索圖。三會為一班。各以大札薩克為盟長。於會內均齊豫備。自明歲起。每班各遣大臣一人。司官一人。乘驛前往。會同該盟長至札薩克等處按旗察看。奉

旨。內札薩克防備牧馬之兵。甚屬緊要。今年即遣大臣察看。○又奏。喀爾喀四部落兵丁萬餘。向在游牧地方操演守禦。豫備有警。剋期傳集。誠恐日久廢弛。軍裝器械。亦必不時察閱。如有舊敝。即令修

理更換。該副將軍參贊貝勒公等。每歲一次會盟。爾稽軍實。奉

旨。喀爾喀游牧地方防守兵丁。俟會盟察驗軍容器械之時。將軍與參贊大臣等會議。於參贊大臣內。令一人會同喀爾喀將軍參贊貝勒公等。一同察驗。至幾年一次將軍親驗之處。額駙策凌酌量辦理。○又奏。將圖什業圖汗等十七旗兵丁。於烏克推濟爾哈朗圖地方察驗。卓臣汗二十二旗兵丁。於克魯倫德勒格爾努吉地方察驗。後路左翼中旗札薩克多羅郡王等六旗兵丁。於依克噶札爾

固爾班察漢布拉克地方察驗。三音諾彥部落
十九旗兵丁。於塔密爾地方察驗。札薩克圖汗
部落和托輝特等六旗兵丁。於哈綏地方察驗。
格埒克顏丕勒等九旗兵丁。於尼類等處地方
察驗。但各部落與所定地方。相離遙遠。若令參
贊大臣一人前往察驗。甚需時日。傳集蒙古兵
丁於所在地方久候。則馬匹牲畜。必致勞瘁。應
令參贊大臣二人前往。一往西路札薩克圖汗
及三音諾彥兩部落。一往東路圖什業圖汗及
車臣汗兩部落。奉

旨。今年著如此察驗。再察驗之時。令參贊大臣往一路去。彼一路爾等酌委官員前往察驗。○三年奉

旨。內札薩克六會防備牧馬之兵。每年遣大臣察閱。今既連閱二年。三四年之後。宜加恩蒙古等。如何賞給之處。軍機大臣議奏。欽此。遵

旨議定。謹案

聖祖仁皇帝每年施

恩賞給哨圍蒙古札薩克官兵。王貝勒貝子公札薩克台吉等。皆按爵秩賞給衣服鞋帶佩刀弓矢撒袋等物。台吉官員等各賞給大緞一疋。驍騎校

各賞給彭緞一疋。兵丁各賞給銀三兩或六兩不等。今六會輪行。衣服刀矢等物既難遠攜。應將領兵之王等三人。各賞立蟒緞一疋。欄蟒緞一疋。大緞四疋。貝勒三人。貝子二人。公二人。各賞立蟒緞或欄蟒緞一疋。大緞三疋。協理台吉等十七人。各賞大緞一疋。官用緞二疋。閒散台吉等二十七人。各賞大緞一疋。管旗章京副章京二十二。各賞官用緞一疋。驍騎校六十五人。各賞彭緞一疋。兵丁萬一千人。各賞銀三兩。俟於乾隆五年遣大臣察看之時。帶往賞給。○

五年

諭內札薩克六會防備兵丁。一連三年察閱。防備操演甚善。此次朕施恩賞賚。嗣後停止。每年遣大臣前往。間二三年後。著理藩院奏請。爾等委出之王貝勒台吉官員等。今既明白降旨。務須體朕撫恤伊等之至意。各將本會兵丁。仍不時操演。○又

諭喀爾喀四部落游牧處防守示威兵丁。每歲軍營參贊大臣前往簡閱。蒙古等遠離游牧。未免勞苦。每年著各該副將軍等察驗。其軍營參贊大臣。著間歲一次往驗。○二十六年議准。伊犁設將軍一人。統理諸

務。節制天山南北各路兵丁。自伊犁至烏魯木齊巴里坤。自喀什噶爾葉爾羌阿克蘇和闐至哈密等處所駐官兵。悉聽調遣。其經理貿易及稽察臺站諸務。與聽差各官。均隨時酌委。無定額。○乾隆四十年議定。內札薩克六盟各旗兵丁軍裝器械。每三年一次。該盟長等會集點驗。有無殘缺。及兵丁駝馬數目。造具細冊。聲明報院查覈辦理。○道光十五年定。察哈爾八旗校閱技藝。由該都統副都統。開年巡查。先由該都統往查一次。隔一年後。由該副都統往查一次。

此外年分責成各該旗總管等認真查閱。

戍防○烏里雅蘇台駐班喀爾喀副將軍參贊
或札薩克汗王貝勒貝子公一人札薩克公台
吉四人協理台吉四人管旗章京副章京四人
聽差台吉二人嚮導兵六人每季更代又協理
台吉一人管旗章京副章京一人驍騎校一人
兵二百人每年更代牧廠喀爾喀札薩克一人
協理台吉一人管旗章京副章京一人兵三十
五人每季更代孳生駝廠喀爾喀圖什業圖汗
左翼中旗札薩克一人管旗章京副章京一人

兵七十二人。學生馬廠三音諾彥部中右翼兵
二十二。人皆不更代。科布多駐班。喀爾喀扎薩
克一人。協理台吉一人。管旗章京副章京一人。
聽差台吉二人。嚮導兵二人。每季更代。杜爾伯
特土爾扈特和碩特烏梁海扎哈沁汗王貝勒
貝子公散秩大臣副都統或二人。或三四人。每
二月更代。屯田。喀爾喀參領二人。佐領二人。驍
騎校三人。兵二百五十人。每年更代。牧廠。喀爾
喀協理台吉一人。每年更代。管旗章京副章京
二人。兵五十人。每半年更代。由本院派往烏里

雅蘇台駐紮司員一人。派往科布多駐紮司員一人。俱三年更代。○道光三年定。蒙古察漢托洛亥地方添設營堡。派將弁二十五員。兵一千名。照新疆換防例。由甘涼甯肅河州西甯各標下調兵防守。於所調兵內撥二百名分守阿什罕水邊卡。○十三年奏准。葉爾羌烏什新增滿洲營官兵。照伊犁換防喀什噶爾滿洲營之例。定為二年班滿。分作兩次更換。○又奏准。本年伊犁應換喀什噶爾一半防兵。即由伊犁西南之哈布哈克卡倫。直通烏什。貢古魯克卡倫捷

徑行走。此路前經奏明封禁。俟官兵經過後。仍行封禁。伊犁責成巡查邊界領隊大臣。就近兼送至距伊犁九站南廓羅地方。喀什噶爾班滿一半伊犁官兵。由協領佐領等官。送至烏什。統派烏什幫辦大臣。送至距烏什五站南廓羅地方。互相更換。○十五年奏准。喀什噶爾旋回官兵。仍由冰嶺行走。派委協領護送至冰嶺之南塔木哈塔什臺。互相交替。換班之期。每歲定於八月。其貢古魯克路徑。即行封禁。○十六年議准。南疆八城。共駐滿漢防兵一萬三千六百二

十四員名。今邊氛久靖。自應於官兵換防時。陸續減調。所有葉爾羌應調烏魯木齊滿營官兵。自十七年為始。少調一百二員名。十八年少調一百一員名。裁撤領隊大臣一員。烏什原駐烏魯木齊滿營官兵一百四十三員名。應於十七十八兩年全行裁撤。並於十七年咨明陝甘總督。少調綠營官兵一千六百九十七員名。在葉爾羌等防兵內均勻抽減。○十七年議准。巴爾楚克屯民子弟多願入伍。挑選二百人。補換防兵丁糧缺。○二十三年定。蒙古察漢托洛亥西

南添築二戍城。增防兵二百名。○咸豐元年

諭。新疆換防兵丁。多有倩人代替。老弱充數者。著陝甘

總督烏魯木齊都統

今裁

於每屆換防之時。務須挑

選年力強壯。弓馬嫻熟兵丁。前往更替。如查有冒名
代充。立即從嚴懲辦。○二年

諭。察漢托洛亥等處蒙古防兵。向係五百名。該蒙古生
計艱難。著即裁撤一半。仍酌留二百五十人。分班輪
派。○四年議准。塔爾巴哈台防兵一十二十九員名。
酌撤二百名。○七年奏定。察漢托洛亥防所。撥
交鎮海協副將統轄守汛之兵四百名。撤歸本

營募增土兵以省換防鹽糧。○八年

諭葉爾羌換防兵內舊有烏魯木齊滿洲營兵三百名。於咸豐五年裁撤。今該處既議將綠營兵裁減。所需滿洲營兵著仍由烏魯木齊改撥三百名前往換防。毋庸由伊犁派撥以符舊章。○同治三年覆准塔爾巴哈台綠營屯田久經停止換班現在屯兵出缺無人應募。暫於差操兵內撥補。並飭陝甘總督烏魯木齊提督轉飭各原營迅速召募前來以符原額。○九年奏准庫倫防兵分為兩班。每屆三月往來更替。

軍律○

國初定。派令出兵規避者。王等罰馬百匹。札薩克貝勒貝子公七十匹。台吉五十匹。所屬全旗俱不往者。按軍法治罪。違期約一日不至者。王罰馬十匹。札薩克貝勒貝子公七匹。台吉五匹。遲誤數日。按日倍罰。○又定。出征將官馬騎瘦者。王罰馬三十匹。札薩克貝勒貝子公二十匹。台吉十匹。○又定。擅殺降人隱匿者。王等罰十戶。札薩克貝勒貝子公七戶。台吉五戶。被人首告者。王罰馬十匹。札薩克貝勒貝子公七匹。台吉

五匹。給出首人。令赴願往旗分。其為首殺人者。斬。仍罰牲畜三九。餘人免死。罰三九。皆給予降人所投之王貝勒等。若所投未定。則以一半給出首人。餘入官。○又定。凡鄰旗有警。而不率所屬甲兵。速即議征者。王罰馬百匹。札薩克貝勒貝子公七十匹。台吉五十匹。○順治三年題准。若得出征人遺失馬駝各物及逃人者。皆收養送還。隱匿不送者以盜論。○康熙十三年題准。蒙古王貝勒貝子公台吉等遇敵交鋒。他旗敗遁。一旗王貝勒等力戰有裨於他旗者。將敗遁

旗分之王貝勒貝子公台吉。各撤出一佐領人丁。給予力戰之旗。他旗皆戰。一旗敗遁者。將一旗之王貝勒貝子公台吉。革去爵秩。廢為庶人。所有佐領人丁。盡給力戰之王等。若一旗內一半攻戰。一半敗遁。將敗遁之王貝勒貝子公台吉。革去爵秩。廢為庶人。所有佐領人丁。盡給本旗力戰之人。如一旗內半旗無計前進。半旗攻戰敗遁。將敗遁之王貝勒貝子公台吉。革去爵秩。廢為庶人。所有佐領人丁。盡給本旗無罪之王貝勒等。其力戰之王貝勒等各給賞。若各旗

未及整備。而一旗之王貝勒貝子公台吉。獨能
準備攻戰。按其功之大小。獲之多寡。給賞。凡曠
野交戰。王貝勒貝子公等。及領兵官弁。不按隊
伍。輕入敵陣。或見敵兵單少。不行問明。擅自奔
馳者。將所乘之馬。並此次所獲人口。入官。凡列
陣攻戰時。須從容縱馬。各按隊伍前進。若不按
隊伍前進。尾附他隊。或雜本伍入他伍。或他隊
皆進。立視不前者。各按所犯治罪。罪重者斬。凡
隊伍排齊之後。毋得稍前稍卻。如敵兵敗陣。令
壯丁健馬追北。王貝勒貝子公管旗章京等。毋

得突前必樹旗整隊後再行追躡若追者或遇
伏兵或遇游兵王貝勒貝子公等再行接戰起
兵時各按纛分隊而行亂行者回取什物者醉
者喧譁者隨所見聞懲責如有一二人離纛行
走拏送該旗札薩克管旗章京處論罰夜行毋
鳴螺毋譁違者罪之行兵之際有一二人離伍
搶掠被害者將妻子入官該管官治罪失火者
斬不許拆毀廟宇不許妄殺平人抗拒者擊投
順者撫其俘獲之人不得剝取衣服拆散夫婦
至不堪俘獲者亦毋得傷害剝取衣服俘獲之

人毋令看守馬匹。凡出征王貝勒等。務平定地方。救濟生民。嚴禁官兵。不許搶掠。不許陷害良民。平定之日。升賞。若縱兵搶掠。指民為賊。妄行殺戮者。從重治罪。與敵人合戰時。有將墮馬之人救出。與以馬騎者。係公以下。副都統以上。酬馬十匹。參領。輕車都尉以下。六匹。庶人二匹。均於墮馬人名下取給。○又定。札薩克王貝勒等。不整理軍器。至期會之處。察出何旗兵丁器械殘毀惡劣。即將本旗該管札薩克。罰俸六月。台吉之兵丁人等。器械殘毀惡劣。罰牲畜五。其監

尾甲背無名牌。軍器自馬絆以上無名牌者。罰
牲畜三。馬不烙印不繫名牌者。罰犏牛一頭。梅
鉞大箭免。又髑箭上無名字者。罰犏牛一頭。各
給挾獲之人。○又題准官員擅殺投降人者。為
首絞。餘人革職。罰三九。○十五年題准差出從
征官員。規避者。革職。罰三九。交與該管王等。仍
令充兵押赴出征。領催兵丁人等。鞭一百。仍遣
往軍前。○又定。軍兵有犯邊者。王貝勒貝子公
台吉等。無論管旗不管旗。將各戶口收斂。一面
率領合屬兵丁。速赴侵犯之處。一面行文鄰近

旗分。即領兵公同救援。齊集後共商進討。若於侵犯之處。不速赴集。及鄰近旗分之王等奉調。不即領兵赴援者。皆革爵。○又定。凡奉差出兵之札薩克王貝勒貝子公台吉等。不親身前往者。革爵。仍令從軍。不全將旗人帶往者。以軍法論。於所期約地方。一日不到者。罰俸三月。二三日不到者。罰俸六月。四日不到者。罰俸九月。五日以上者。罰俸一年。○又定。奉文出兵將官馬騎瘦者。王貝勒貝子公台吉。無論管旗不管旗。皆罰俸六月。無俸之台吉。仍照例罰馬十匹。○

同治二年議定。飭調官兵馬匹。遷延玩誤者。罰俸三年。

軍功。

國初定。蒙古王貝勒貝子公台吉等有軍功者。量其功之大小。議敘身故者。一例題請。

賜卹。○順治十八年題准。蒙古人有始從其主歸降。及隨軍嚮導。指路有功。

敕給達爾漢號世襲者。其頂戴坐褥。照蒙古旗員分別給予。永襲者。同管旗章京。雖永襲而功少者。同副章京。襲六次五次四次者。同參領。襲三次。

二次及止授本身者同佐領。○康熙二年題准。台吉等有軍功者。量功給予爵級。有一等功牌六箇以上者。為一等。三箇以上者。為二等。一二箇者。為三等。有二等功牌二箇以下者。概為四等。○三十年覆准。蒙古雲騎尉非陣亡者。不准承襲。○嘉慶二十二年定。額魯特三品以下官員。年逾六旬。因老疾告休者。如係曾經出師打仗受傷及得有功牌之人。請

旨給予全俸。○又定。察哈爾。額魯特。官員出缺。降一等承襲。軍營病故者。毋庸降等。○又定。四等台

吉塔布囊以上統兵陣亡者。照都統例給予優卹銀兩。其餘官兵陣亡傷殘病故。應卹銀兩者。均照內地例辦理。○道光十九年定。內外札薩克軍功得授世職者。襲次完時。照八旗例一體賞給恩騎尉世職。○咸豐五年議准。蒙古三品以下官員。打仗出力。保奏奉

旨從優議敘。未列等第者。概給予軍功加一級。○光緒五年議准。奉調前往各處蒙古官兵統帶人員。奉

旨議敘者。給軍功加二級。奉飭在游牧境內統帶官

兵人員奉

旨議敘者。給軍功加一級。管理台站。轉運軍火。供應
征兵。過境。及協濟征兵馬匹牛羊食物等項。奉
旨議敘者。給加一級。其尤為出力。奉

旨從優議敘者。均分別案情。依例遞加。○六年奏定。
王公等在軍營立功。後積勞病故者。准照八旗
一二品大員例。給卹銀二百兩。廕一子送院引
見。或挑

乾清門侍衛。或給予加銜頂戴。恭候

欽定。

馬匹器械。○順治七年題准蒙古人偷賣馬匹
被人執送者。以其半給執送之人。○康熙二年
題准蒙古人買軍器帶往者。令札薩克王貝勒
貝子公等詳開某佐領下某人買何器械數目
若干。具文差官報院。不差官不詳開者。不准給
出口信票。○五年題准。擅以甲冑弓矢軍器賣
與喀爾喀額魯特等。及給親戚者。王罰馬百匹。
貝勒貝子公七十匹。台吉五十匹。再蒙古人來
京。不呈明本院私買軍器帶回者。王等罰三九。
台吉管旗章京副章京參領佐領護衛官員。皆

罰一九平人鞭八十。○十一年題准。蒙古王貝勒貝子公等。欲向歸化城買馬駝者。報院轉奏請

旨。本院給印文令往。不得擅行。○十二年題准。公主郡主王貝勒額駙等。向歸化城買馬駝者。將差往人數報院題明。不得多差。○又定。內外札薩克蒙古等。甲冑弓矢軍器。不得賣與俄羅斯。額魯特。僮有違禁私行售賣。及送給親戚者。或被拏獲。或被首告。無論管旗不管旗王貝勒貝子公札薩克台吉等。皆罰俸一年。無俸之台吉。罰

馬五十匹。平人犯者。為首絞監候。家產牲畜盡
行籍沒。為從鞭一百。罰三九牲畜。所籍沒畜產
及罰取牲畜。或賞給拿獲首告之人。如奴僕首
告家主者。將首告之奴僕開戶。聽其擇主。○雍
正十年定。內外札薩克等滋生壯丁。編設佐領。
或修補損壞器械。該札薩克具保用印文來京
製買軍器。所買之物不多者。本院即給予信票。
令其出口。若所製軍器多至成具者。本院請
旨令其製買。○乾隆六年議准。嗣後各札薩克有印
文來買軍器者。酌量該旗佐領。豫行具奏給票。

將所買之數覈對。若已足該旗佐領需用之數。暫不准買。至於實不堪用之時。具文再買。如原未買足。或察閱軍器大臣令其改換。亦著具印文買補。甲冑弓撒袋刀槍過二十副。鳥槍過十杆。硝硫磺過三十斤。箭過千枝者。皆為成具。請旨之後。給予出口信票。不及前數者。由院行文兵部給票。若各札薩克製買本身需用之物。除鳥槍硝硫磺等物外。弓矢刀毋得禁。○又定製買軍器。浮於票數。或浮於入邊原數。被獲者。不論管旗。不管旗王貝勒貝子公札薩克台吉等。皆罰。

俸六月。閒散台吉管旗章京以下驍騎校以上。罰牲畜一九。庶人鞭八十。多帶軍器入官。○咸豐十年

諭。內外札薩克各旗各羣進口前赴喇嘛廟燒香。所帶馬匹。並護送各廟及蒙古牧丁送京馬匹甚多。向無稅銀。又無稽覈。難保無夾帶私販等情。著理藩院議定章程。請旨辦理。欽此。遵

旨議准。一。嗣後內外札薩克汗王貝勒貝子公台吉塔布囊等處牧羣。赴

雍和宮梅檀寺各廟護送馬匹。即令各旗呈報本盟長。

由盟長造冊呈報所轄將軍都統大臣。給發路票。寫明馬匹數目。飭令沿途地方官員。據實查驗。並無弊竇。始准放行。其赴五臺山燒香。所帶香資馬匹。即於報院請領路引文內。聲明香資馬匹若干。以便轉咨兵部。添寫路引。豫備沿途地方官查驗。一。每逢牧丁送京馬匹時。該札薩克旗先行呈報本盟長。由盟長呈報所轄將軍都統大臣。給發路票。寫明馬匹數目。飭知沿途地方官員查驗。一。內外札薩克六盟四部落汗王。貝勒。貝子。公。台吉。塔布囊等。

以四項牲畜為生計。惟馬匹一項。如有趕赴何處售賣。或作何使用之處。均應聲明呈報各該盟長。由盟長報知將軍都統大臣發給路票。添明馬匹數目口齒毛色。飭知沿途地方官員一體認真稽覈查驗。一凡內外札薩克六盟四部落等處蒙古游牧。如有趕赴京城之馬匹。無論何項馬匹。均應聲明馬匹數目。由將軍都統大臣先期咨行直隸總督。順天府步軍統領衙門。轉飭地方官一體認真查驗。一儻有不肖民人私行販運蒙古處所騙馬。如被地方官員拏獲。

解送將軍都統大臣查驗。訊究嚴辦。並將所販馬匹入官。

西藏兵制。○乾隆五十七年奏准。前後藏各設番兵一千名。此外衝途要隘之定日江孜地方。安設番兵各五百名。共額設三千名。此項番兵。即在安設處所就近挑補。以省調戍之煩。前藏原設戴琫三人。以二人駐紮後藏。以一人分駐定日。均各管該處新設兵五百名。再添設戴琫一人。分駐江孜。亦管新設兵五百名。各處俱有原設新設之駐防將弁。即令督率管束。教演技。

藝前藏番兵。歸遊擊統轄。後藏及江孜定目番兵。歸後藏都司統轄。所有挑補番兵。造具花名清冊。交該管遊擊都司及戴琿稽查外。另繕名冊二本。一交駐藏大臣衙門。一交噶廈公所。遇有事故。覈實挑補。隨時呈報。以資考察。○又議准。嗣後前後藏及定日。江孜官員兵丁。俱交四川總督揀選出色頭等員弁。派往分駐。如內地赴藏官兵。有營私舞弊。欺陵唐古特兵丁等事。令該戴琿稟知駐藏大臣。隨時嚴辦。儻該戴琿等操防怠惰。苦累番民。亦令將備等稟明究辦。

如此互相鈐制。庶彼此各知顧忌。不敢徇私。飢
法日久弊生。至新設之番兵三千名。俱係定額
實數。該管將備及戴琫等。不得擅行投占。若於
例外私行跟隨服役。轉致差防乏人。一經查出
即行從嚴治罪。○又議准額設番兵三千名。每
名每年給予青稞二石五斗。遇有徵調。再照征
兵之例。每日每名商上支給糈糒一斤。所有番
民挑定額兵者。俱由達賴喇嘛發給執照。免其
一家充當烏拉徭役。以示體恤。如有事故革退。
仍將執照撤回。至管兵大小番目。自當酌予養

贍俾資辦公。原設戴琫五名。例各給莊田一分。新設戴琫一名。亦令達賴喇嘛撥給莊田一處。毋庸再給錢糧。其如琫番目。照川省馬兵月餉米折之例。每名每年酌給銀三十六兩。甲琫照戰兵之例。每名每年酌給銀二十兩。定琫照守兵之例。每名每年酌給銀十四兩八錢。均由前藏商上支領。此項銀兩。令商上於春秋兩季。備文送交駐藏大臣衙門轉發。該管將備會同戴琫等。傳齊番目支領。如有侵漁剋扣。一經查出。即行嚴叅治罪。其番兵應支青稞。亦分兩季。令

該管將備會同戴琿等按名散給。○又議准唐古特兵丁。令各處駐防將備就近督同大小番目按期認真教演。駐藏大臣於巡查之便親為校閱練習純熟者酌加獎賞。並將該管之番目記名升擢。如有技藝生疏者嚴行懲責。屢教不悛即予褫革。番目等亦分別責降示懲。駐防將備俱以所管番兵優劣由駐藏大臣分別等第於班滿時咨部。優等者咨送本省將軍都統提督准予保舉。仍照舊例升用。次等者咨部議敘。毋庸升用。劣等者即行叅革。至新設額兵三千

名。每一千名。定為五分鳥槍。三分弓箭。二分刀
矛。所需鳥槍刀矛。將查抄沙瑪爾巴等家產內
及前後藏大小寺廟中收存器械分給。所需弓
箭。即照番民習用之木弓竹箭製備。所需火藥
鉛丸。將商上每年差人赴工部製辦火藥。及邊
壩等處例交商上鉛斤。發給番兵。以重操防。
五十八年奏准。唐古特兵民向無分別。今新挑
額設之兵。常川訓練。與綠營兵丁無異。即令剃
頭以示區別。至兵丁衣帽。令鳥槍兵丁穿紅褐
背心。弓箭兵丁穿白褐背心。刀矛兵丁穿紅邊

白褐背心前後各書番兵二字以便稽查。